

Cwrt Linden
Clos Ilex
Llanisien
Caerdydd
CF14 5DZ

Ffôn 029 2076 1861
Ffacs 029 2076 3163

www.hefcw.ac.uk

Cyngor Cyllido Addysg
Uwch Cymru
**Higher Education Funding
Council for Wales**

hefcw

Datganiad i'r wasg

Dyddiad: Dydd Iau, 23 Mawrth 2006

Teitl: Cytundeb Cyllido Newydd ar gyfer AU yng Nghymru

Mae Cyngor Cyllido Addysg Uwch Cymru wedi cyhoeddi dyraniadau grant o dros £335 miliwn ar gyfer 2006/07. Bydd y 12 sefydliad addysg uwch yn y sector yn derbyn grantiau uwch nag yn 2005/06. Yn nhermau arian parod, y cynnydd cyfartalog ar gyfer SAUau ar grantiau 2005/06 yw 2.84%. Mae'r cynnydd yn amrywio o 2.05% i 3.60% i SAUau unigol.

Mae cylch gwaith y Cyngor yn cynnwys rhoi ymyriadau strategol ar waith i sicrhau bod y sector yn cwrdd â'r nodau cyffredinol a osodir gan Lywodraeth Cynulliad Cymru.

Yn erbyn y cefndir hwn, mae'r Cyngor wedi:

- darparu cymorth ychwanegol sylweddol ar gyfer ehangu mynediad, gyda chynnydd o 52.2% mewn taliadau Premiwm Ehangu Mynediad;
- diogelu cyllid ymchwil rhag effaith enillion effeithlonrwydd sy'n cael eu cymhwysu at gyllid arall er mwyn helpu'r sector i baratoi ar gyfer yr Ymarfer Asesu Ymchwil (YAY) nesaf;
- gwneud darpariaeth i barhau i helpu sefydliadau i gwrdd â chostau'r cyfraniadau ychwanegol y mae'n rhaid i gyflogwyr eu gwneud at Gronfa Pensiwn yr Athrawon, gyda'r arian hwn yn cael ei drosglwyddo i'r craidd yn ystod y tair blynedd nesaf;

- cymhwyso ennill effeithlonrwydd cymedrol o 0.4% at gyllid addysgu er mwyn llyfnhau effaith amrywiadau yn setliad grant Llywodraeth Cynulliad Cymru, ac er mwyn cyllido datblygiadau yn yr ymyriadau strategol hynny a amlinellwyd uchod;
- parhau i ddangos ei ymrwymiad i weithgareddau ffranseis drwy gadw hyn yn flaenoriaeth yn y model cyllido;
- parhau i roi cymorth sylweddol tuag at ddatblygu ymchwil drwy'r Gronfa Buddsoddi mewn Ymchwil a gyflwynwyd yn 2004/05 i'w defnyddio'n strategol gan y SAUau er mwyn, er enghraifft, datblygu ymchwil newydd, hybu cryfderau ymchwil, neu ail-lunio eu portffolio ymchwil; ac wedi
- cytuno ar gynnydd sylweddol o 24% yn y Gronfa Trydedd Genhadaeth a sefydlwyd ym mis Mehefin 2004 i gefnogi'r gweithgareddau hyn, gyda'r bwriad o ddyblu maint y gronfa dros gyfnod o dair blynedd.

Dyma'r bedwaredd flwyddyn i'r dyraniadau hyn gael eu gwneud o dan y cytundeb y daethpwyd iddo yn sgil cyflwyno *Ymgeisio'n Uwch*, strategaeth 10-mllynedd Llywodraeth y Cynulliad ar gyfer addysg uwch, a gyhoeddwyd ym mis Mawrth 2002. O dan y cytundeb hwn, darperir cyllid uwchben y llinell sylfaen, ar yr amod bod SAUau yn ymrwymo i ddwy flaenoriaeth y strategaeth - ailgyflunio ac ehangu mynediad.

Bydd £14.4 ar gael uwchben y llinell sylfaen yn 2006-07 a chlustnodwyd £2 filiwn o'r swm hwn ar gyfer ehangu mynediad. Neilltuwyd y gweddill, ar hyn o bryd, i hybu ailgyflunio a chydweithio yn y sector ond, ar gais y Gweinidog, gall y Cyngor ddewis defnyddio'r arian hwn at ddibenion strategol ychwanegol eraill.

Meddai'r Athro Phil Gummett, Prif Weithredwr CCAUC:

"Rydw i wrth fy modd bod y Cyngor wedi gallu darparu arian ychwanegol sylweddol i gefnogi ehangu mynediad y flwyddyn nesaf. Rydw i'n hynod falch hefyd ein bod ni wedi cynyddu'r cymorth sydd ar gael ar gyfer creu cyfoeth a gwybodaeth yn ogystal ag ar gyfer datblygiad economaidd a chymdeithasol drwy ddarparu rhagor o gyllid i hybu ymchwil a gweithgareddau trydedd genhadaeth. Yn ystod y flwyddyn i ddod byddwn yn parhau i geisio ffyrdd o dargedu cyllid yn ddetholus i gefnogi blaenoriaethau strategol."

Meddai'r Athro Roger Williams, Cadeirydd y Cyngor:

"Mae'r Cyngor yn cydnabod ymrwymiad Llywodraeth y Cynulliad i sicrhau ailgyflunio o fewn y sector sy'n sylweddol a chynaliadwy. Mae cyflawni newidiadau o bwys yn y sector addysg uwch yng Nghymru mewn ffordd sy'n mynd y tu hwnt i fuddiannau hanesyddol penodol y sefydliadau yn gofyn am lawer o amser ac ymdrech a chryn weledigaeth ar ran y sector. Rydw i'n falch ein bod ni'n dechrau gweld cynnydd pellach yn y meysydd hyn, yn enwedig mewn perthynas â'r buddsoddi sylweddol mewn ymchwil ar y cyd. Edrychwn ymlaen at gefnogi cynigion ailgyflunio sy'n dangos gweledigaeth a beiddgarwch yn ystod y flwyddyn i ddod."

Gweler Atodiad A am ddyraniadau grant rheolaidd 2006/07 o'u cymharu â 2005/06. Mae Atodiad B yn cymharu dosbarthiad grant y Cyngor, rheolaidd a chyfalaf, llinell sylfaen ac uwchben y llinell sylfaen, ar gyfer y flwyddyn academaidd 2006/07 â'r dosbarthiad ar gyfer y flwyddyn academaidd 2005/06. Mae dyraniadau ar gyfer 2005/06 yn cynnwys dyraniadau Premiwm Ehangu Mynediad ychwanegol (gweler Cylchlythyr W06/03HE).

Diwedd

Cysylltiadau i'r cyfryngau

Emma Rączka, Rheolwr Cyfathrebiadau - 029 2068 2225.

Dale Hall, Pennaeth Cynllunio a Llywodraeth Gorfforaethol - 029 2068 2280.

Nodiadau i Olygyddion

1. Gellir gweld manylion llawn dyraniadau grant rheolaidd y Cyngor ar gyfer 2006/07 yng Nghylchlythyr W06/09HE, *Recurrent Grant 2006/07*.

2. Cefndir CCAUC

Corff Cyhoeddus a Noddir gan y Cynulliad yw Cyngor Cyllido Addysg Uwch Cymru (CCAUC). Fe'i sefydlwyd ym mis Mai 1992 a daeth yn gyfrifol am gyllido addysg uwch yng Nghymru ar 1 Ebrill 1993.

O dan Ddeddf Addysg Bellach ac Uwch 1992, mae'r Cyngor yn gyfrifol am weinyddu'r cyllid a roir gan y Cynulliad i gynnal yr addysg a ddarperir a'r ymchwil a wneir gan sefydliadau addysg uwch a chyrsgiau addysg uwch penodedig a ddarperir mewn sefydliadau addysg bellach.

O dan Ddeddf Addysg 1994, mae'r Cyngor yn gyfrifol am achredu darparwyr hyfforddiant cychwynnol ar gyfer athrawon ysgol ac am gomisiynu ymchwil i wella safonau athrawon a hyfforddiant athrawon.

Yn ogystal â'i gyfrifoldebau cyllido, mae'r Cyngor yn cynghori Cynulliad Cenedlaethol Cymru ar anghenion ariannol, dyheadau a phryderon y sector addysg uwch yng Nghymru.

3. Colegau Addysg Bellach

Mae CCAUC yn cyllido peth darpariaeth addysg uwch yn uniongyrchol mewn Colegau Addysg Bellach. Mae'r arian a dderbyniant ar gyfer eu darpariaeth AU yn gyfran fach iawn yn unig o incwm y CABau. ELWa sy'n darparu'r rhan fwyaf o'r cymorth ariannol ar gyfer y sefydliadau hyn. Am y rheswm hwn, nid yw'r Cyngor erioed wedi ceisio cymedroli'r canlyniad cyllido (drwy ymgodi i CMC (*GDP*)) ar gyfer y sefydliadau hyn yn nhermau eu darpariaeth addysg uwch. Mae hyn yn golygu y gall cyllid blwyddyn-ar-flwyddyn ar gyfer darpariaeth addysg uwch mewn CABau amrywio cryn dipyn gan ddibynnu ar nifer y myfyrwyr a recriwtiant.